

# ხელშეკრულება სახელმწიფო შესყიდვების შესახებ N18

ქ.ამბროლაური

22 თებერვალი, 2021 წელი.

ერთი მხრივ, ამბროლაურის მუნიციპალიტეტი, (შემდგომში „შემსყიდველი“) წარმოდგენილი მერის ზვიადი მხეიძის სახით და მეორე მხრივ, ი/მ ზვიად კბილაძე (შემდგომში „მიმწოდებელი“), წარმოდგენილი ზვიად კბილაძის სახით, „სახელმწიფო შესყიდვების შესახებ“ საქართველოს კანონისა და „მიმწოდებლის“ NAT210002097 წარმოდგენილი სატენდერო წინადადების საფუძველზე დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაშია მინიშნებული;

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ ( შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოს სახელმწიფო შესყიდვების შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს;

1.6 „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი;

## 2. ხელშეკრულების ობიექტი და კლასიფიკატორის კოდი

2.1 ხელშეკრულების ობიექტი: CPV55500000 „სოციალურად დაუცველი მოსახლეობის ყოველდღიური უფასო ერთჯერადი კვების მომსახურების“ შესყიდვა.

## 3. ხელშეკრულების ღირებულება

3.1 ხელშეკრულების ჯამური ღირებულება შეადგენს 13870.07 (ცამეტი ათას რვაას სამოცდაათი ლარი და შვიდი თეთრი) ლარს.

3.2 ხელშეკრულების ღირებულება მოიცავს სამუშაოების შესრულებასთან დაკავშირებულ ყველა ხარჯს, მათ შორის საქართველოს კანონმდებლობით გათვალისწინებულ ყველა გადასახადს.

## 4. მხარეთა ვალდებულებები

4.1. მიმწოდებელი ვალდებულია:

ა. შემსყიდველის მიერ გადაცემული სიისა და მენიუს შესაბამისად მუნიციპალიტეტში მცხოვრები, საშუალოდ 40 უმწეო მდგომარეობაში მყოფი მოქალაქე ყოველდღიურად უზრუნველყოს ერთჯერადი კვებით და სანიტარულ ჰიგიენური მომსახურებით, გარდა კვირისა და შრომის კოდექსით განსაზღვრული დასვენების დღეებისა.

ბ. საკვები პროდუქტების ხარისხობრივი მაჩვენებლები, ჯანმრთელობის უსაფრთხოებისა და კალორიულობის თვალსაზრისით, უნდა შეესაბამებოდეს დადგენილ ნორმებს.

გ. მოსარგებლე კონტიგენტის ყოველდღიური აღრიცხვის მიზნით აწარმოოს აღრიცხვის ჟურნალი მათივე ხელმოწერის დადასტურებით.

დ. ბენეფიციარის ზედიზედ ორჯერ კვების ობიექტში გამოუცხადებლობის შემთხვევაში დაუყონებლივ აცნობოს შემსყიდველს.

ე. განათავსოს მენიუ სასადილო ოთახში თვალსაჩინო ადგილას.

ვ.შემსყიდველის მოთხოვნის შემთხვევაში დაუყოვნებლივ მიაწოდოს ინფორმაცია მომსახურების მიმდინარეობის შესახებ.

ზ.ხელშეკრულების გაფორმებიდან 10 დღის ვადაში წარმოადგინოს ცნობა მომსახურე პერსონალის ჯანმრთელობის მდგომარეობის შესახებ.

თ.მიმწოდებელი პასუხს აგებს საქართველოს კანონმდებლობით დადგენილი გადასახადებისა და მოსაკრებლისა გადახდაზე.

4.2 შემსყიდველი ვალდებულია:

ა. უზრუნველყოს კეთილმოწყობილი სასადილო ფართის გამოყოფა.

ბ. ყოველი თვის დასაწყისში გადასცეს მიმწოდებელს ბენეფიციართა სახელობითი სია.

4.3 შემსყიდველის მიერ მიწოდებული ნებისმიერი ქონების მათ შორის ტექნიკური აღჭურვილობის გადაცემა არ იწვევს მიმწოდებელის საკუთრების უფლების წარმოშობას აღნიშნულ ქონებაზე. მიმწოდებელი პასუხს აგებს ქონების დაცვაზე და მისი გამოყენებისას უსაფრთხოების ნორმების დაცვაზე. ხელშეკრულების შეწყვეტისას მიმწოდებელი შემსყიდველის მიერ გადაცემულ ქონებას აბრუნებს იმავე მდგომარეობაში როგორშიც მისგან მიიღო, ნორმალური ცვეთის გათვალისწინებით.

## **5. ხელშეკრულების შესრულების კონტროლი**

5.1 შემსყიდველს უფლება აქვს განხორციელოს კონტროლი საკვებ პროდუქტებსა და კერძებზე, რათა დარწმუნდეს მის შესაბამისობაში ხელშეკრულებით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულების შესრულებისაგან.

## **6. მომსახურების მიწოდების ვადა და ადგილი**

6.1 მომსახურების მიწოდება უნდა განხორციელდეს 2021 წლის 22 თებერვლიდან 30 ივნისის ჩათვლით.

6.2 მიწოდების ადგილია ქალაქი ამბროლაური. კობახიძის ქუჩა N 3.

## **7. შესყიდვის ობიექტის მიღება-ჩაბარების წესი**

7.1. მომსახურების მიღება-ჩაბარება განხორციელდება გაწეული მომსახურების მიღება-ჩაბარების აქტით.

## **8. ანგარიშსწორება**

8.1 მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.

8.2 მიმდინარე ანგარიშსწორება განხორციელდება ყოველთვიურად, ფაქტობრივად გაწეული მომსახურების შესაბამისად, მიღება-ჩაბარების აქტის წარმოდგენიდან 10 სამუშაო დღის განმავლობაში.

8.3 თითოეულ ეტაპზე შესრულების მიღებასთან დაკავშირებით მიღება-ჩაბარების აქტის გასაფორმებლად მიმწოდებელმა უნდა წარმოდგინოს შემდეგი დოკუმენტაცია:

ა)წერილობითი მოთხოვნა.

ბ)ხარჯთაღრიცხვა.

გ) ბენეფიციართა სახელობითი სია კვების დღეების რაოდენობის მითითებით.

## **9. ხელშეკრულების პირობების გადასინჯვის შესაძლებლობა**

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის ამ დებულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად და ხელმოწერილი იქნება ორივე მხარის სრულუფლებიანი წარმომადგენლების მიერ.

9.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

## **10. უფლებების გადაცემა**

10.1 მიმწოდებელმა შემსყიდველს წინასწარი წერილობითი თანხმობის გარეშე არც მთლიანად და არც ნაწილობრივ არ უნდა გადასცეს მოცემული ხელშეკრულებით გათვალისწინებული ვალდებულებები მესამე პირს.

## **12. ხელშეკრულების პირობების შეუსრულებლობა**

12.1. ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების 1%-ის ოდენობით;

12.2. შემსყიდველი უფლებამოსილია მიმწოდებლის ვადის გადაცილების შემთხვევაში დააკისროს მომწოდებელს პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0.5%-ის ოდენობით;

12.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.4 ჯარიმის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## **13. ხელშეკრულების შეწყვეტა**

13.1. შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, მიმწოდებლის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში;

13.2. შემსყიდველსა და მიმწოდებელს შორის ურთიერთშეთანხმების საფუძველზე, შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

13.3 მიმწოდებლის მიერ ვადამდე ხელშეკრულების შეწყვეტის მოთხოვნა განიხილება როგორც ვალდებულების შეუსრულებლობა და მიმწოდებელი ვალდებულია გადაიხადოს პირგასამტეხლო ხელშეკრულების დარჩენილი ღირებულების 5%-ის ოდენობით.

13.4. შემსყიდველი ხელშეკრულების შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე;

## **14. ფორს-მაჟორი**

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

14.2 ამ მუხლის მიზნებისათვის „ფორს-მაჟორული“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

14.3 ფოს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

## 15. სადაო საკითხების გადაწყვეტა

15.1 მიმწოდებელსა და შემსყიდველს შორის ხელშეკრულების განხორციელების პროცესში მხარეთა შორის წარმოქმნილი სადაო საკითხების გადაწყვეტა მოხდება ურთიერთმოლაპარაკების გზით, ხოლო შეუთანხმებლობის შემთხვევაში სასამართლოს გზით, მოქმედი კანონმდებლობის შესაბამისად;

## 16. ხელშეკრულები მოქმედების ვადა

16.1 წინამდებარე ხელშეკრულება ძალაშია ხელშეკრულების თავში მითითებული თარიღიდან 2021 წლის 31 ივლისის ჩათვლით.

## 17. დამატებითი პირობები

17.1. წინამდებარე ხელშეკრულება შედგენილია ორ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება „შემსყიდველთან“ და „მიმწოდებელთან“;

## 18. რეკვიზიტები

### შემსყიდველი

ამბროლაურის მუნიციპალიტეტი  
ქ.ამბროლაური. ბრატისლავა რაჭის ქ.11  
ს/კ 222938490  
სახელმწიფო ხაზინა, ბანკის კოდი TRESGE22  
ა/ა GE24NB0330100200165022

### მიმწოდებელი

ი/მ ზვიად კბილაძე  
ამბროლაური, სოფ. თლული  
ს/კ 04001002126  
საქართველოს ბანკი, ბანკის კოდი BAGAGE22  
ა/ა GE74BG0000000785003600

ზვიადი მხეიძე

ზვიად კბილაძე

-----

-----

## უფასო კვების ობიექტის კვირის მენიუ

|                                                                                                                                                                                                                                                |                                                                                                                                                                                                                                                                            |
|------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------|
| <p style="text-align: center;"><b>ორშაბათი</b></p> <ol style="list-style-type: none"> <li>1. კარტოფილის სალათი ხახვით 150 გრ.</li> <li>2. სუფ-ხარჩო ხორცი 100/400 გრ.</li> <li>3. კაკაო 4/200 გრ.</li> <li>4. პური ხორბლის 250 გრ.</li> </ol>  | <p style="text-align: center;"><b>სამშაბათი</b></p> <ol style="list-style-type: none"> <li>1. ქათმის ხორცის ჩახოხბილი ბრინჯით 100/200 გრ.</li> <li>2. მაკარონი ყველით 30/200 გრ.</li> <li>3. კომპოტი ხილის ან ჩირის 35/200 გრ.</li> <li>4. პური ხორბლის 250 გრ.</li> </ol> |
| <p style="text-align: center;"><b>ოთხშაბათი</b></p> <ol style="list-style-type: none"> <li>1. ლობიოს სუფი 100/300 გრ.</li> <li>2. შილა სოკოთი 50/200 გრ.</li> <li>3. კისელი 35/200 გრ.</li> <li>4. პური ხორბლის 250 გრ.</li> </ol>             | <p style="text-align: center;"><b>ხუთშაბათი</b></p> <ol style="list-style-type: none"> <li>1. კარტოფილის პიურე მოხარშული თევზით 100/200</li> <li>2. ბორშჩი 400 გრ.</li> <li>3. კაკაო 4/200 გრ.</li> <li>4. პური ხორბლის 250 გრ.</li> </ol>                                 |
| <p style="text-align: center;"><b>პარასკევი</b></p> <ol style="list-style-type: none"> <li>1. წიწიბურა 80/ 200 გრ.</li> <li>2. მაკარონის სუფი კარტოფილით 100/400 გრ.</li> <li>3. კისელი 35/200 გრ.</li> <li>4. პური ხორბლის 250 გრ.</li> </ol> | <p style="text-align: center;"><b>შაბათი</b></p> <ol style="list-style-type: none"> <li>1. გუფთის სუფი 100/400 გრ.</li> <li>2. მოხარშული კვერცხი 2 ცალი</li> <li>3. კომპოტი ხილის ან ჩირის 35/200 გრ.</li> <li>4. პური ხორბლის 250 გრ.</li> </ol>                          |